

Biblia alang sa Kabataan motanyag



Gikan sa
Maglulutos
ngadto sa
Magwawali



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen


Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.






Ang Dios nagbuhat ug
dagkong mga butang
pinaagi sa Iyang katawhan
sa unang simbahan. Usa ka
tawo, nga ginganlag Felipe,
nagkapuliki sa pagsulti sa mga

tawo sa usa ka daghang
tawo nga siyudad bahin
kang Jesus. Apan
gipadala siya sa Dios
ngadto sa kamingawan.
Ngano man?



An illustration of a man with dark skin and short black hair, wearing a blue striped shirt and a grey shawl. He is holding a white scroll with a brown quill pen. The background is a bright blue sky and yellow hills with a small green tree.

Ang Dios nahibalo nga adunay usa ka magpapanaw sa desyerto, usa ka magmamando ubos ni Rayna Candace sa Etiopia. Sa pagpadulong na siya sa pagpauli ug nagbasa siya ug espesyal na Libro.

Makatag-an ka ba kung unsa nga libro kini?




Sa dihang
si Felipe
mituman
sa Diyos,
ang Diyos
mitultol
kaniya ngadto
sa magmamando
nga nagbasa sa Pulong
sa Diyos nga wala makasabot
niini. Iyang gidapit si Felipe
sa pag-uban kaniya.




"Unsay buot ipasabot niini?"
ang magmamando nangutana kang
Felipe. Samtang ang karwahe
mikurog sa dalan sa kamingawan,
si Felipe mibuka sa iyang baba
ug, sugod niadtong
Kasulatan, nagwali
kang Jesus
ngadto kaniya.



Ang Aprikanong
magmamando sa
wala madugay



mituo na sa
mensahe sa Bibliya,
nga si Jesu-Kristo mao
ang Anak sa Diyos. Ug sa
pagkakita niya ug tubig, siya
miingon, "Unsa may nakababag
kanako sa pagpabautismo?"



Unya si Felipe miingon, "Kon mitoo ka sa tibuok mong kasingkasing, mahimo nimo." Sa dihang mitubag ang magmamando, "Mituo ako nga si Jesu-Kristo mao ang Anak sa Diyos," gidala siya ni Felipe ngadto sa tubig ug gibawtismohan siya.



Karon sa paghaw-as nila gikan sa tubig, ang Espiritu sa Ginoo midakop kang Felipe, mao nga ang African nga ang magmamando wala na makakita kaniya. Mibalik siya sa Etiopia nga malipayon!



Apan ang ubang mga tawo nagdumot sa mga Kristiyano. Si Esteban, usa sa mga higala ni Felipe, gipatay sa nasuko nga mga tawo nga si kinsa dili gusto nga siya maghisgot mahitungod kang Jesus. Usa ka tawo nga ginganlag Saulo nga taga-Tarso mitabang sa pagpatay kang Esteban. Gidumtan ni Saulo ang tanang Kristiyanos.



Si Saulo, nga hulga sa mga nagginhawa ug pagpatay batok sa mga Kristohanon, miadto sa Labawng Pari ug mikuhag mga sulat nga naghatag kaniyag katungod sa pagdakop ug mga lalaki o mga babaye nga misunod kang Jesus.






Kalooy ni Saulo sa Tarsus! Wala siya masayod nga sa dihang iyang gipasakitan ang katawhan sa Dios, iya pud gipasakitan si Ginoong Jesus Mismo.

Kinahanglang pugngan sa Diyos si Saul. Pero unsaon man?



"Gidakop" sa Diyos si Saul! Samtang si Saulo diha sa dalan paingon sa siyudad sa Damasco, ang Dios misidlak sa usa ka dakong kahayag gikan sa Langit. Natumba si Saul sa yuta. Unya nakadungog siya og Tingog.





"Kinsa ka, Ginoo?" Misinggit si Saul.
"Ako mao si Jesus, nga imong ginalutos."
Nagkurog ug nahibulong, si Saulo nangutana, "Ginoo, unsa may imong gusto nga akong buhaton?" Ug ang Ginoo miingon kaniya, "Tindog ug umadto ka sa siyudad, ug sultihan ka kung unsa imung buhaton."



Ang mga tawo nga
kauban ni Saul
nakadungog usab
sa Tingog, apan
wala silay nakita.
Si Saulo mibangon
gikan sa yuta - ug
iyang nakita
nga siya buta!
Ilang gidala
siya ngadto sa
Damasco.



Sa siyudad, si Saul
tulo ka adlaw nga dili
na makakita ug ni
mokaon ug wala
moinom. Tingali
gigugol niya ang
panahon sa pag-ampo
sa Ginoong Jesus nga
nakighimamat kaniya
sa dalan sa Damasco.



Giplano sa Dios ang tanan. Sa Damasco may usa ka tinun-an nga ginganlag Ananias. Gipadala siya sa Ginoo aron tabangan si Saul. Nahadlok si Ananias. Apan siya mituman sa Dios. Sa dihang iyang gibutang ang iyang kamot kang Saulo, nawala ang pagkabuta - ug si Saulo napuno sa Balaang Espiritu sa Dios.





Si Saulo gibawtismohan.
Unya mikaon siya. Ug sa
nakadawat na siya ug
pagkaon, nabaskog siya.
Nagkinahanglan si Saul
ug kusog. Naa siyay
importante kaayong
buhaton.



Dihadiha si Saulo nagwali kang Kristo sa mga sinagoga, nga Siya mao ang Anak sa Dios. Unya ang tanan nga nakadungog nahibulong, ug miingon, "Dili ba kini siya mao ang nagguba sa mga Kristohanon?"

Ug ang uban nagplano sa pagpatay kang Saul.





Ang bag-ong mga kaaway ni Saul nagbantay sa mga ganghaan sa siyudad aron patyon si Saul kon siya mosulay sa pagbiya sa siyudad. Apan ang iyang bag-ong mga higala, ang mga Kristohanon, mikuha kaniya sa gabii ug gitonton siya sa bungbong sa usa ka dakong bukag.





Ug sukad niadto, si Saulo nga manglulutos sa mga Kristohanon nagpuyo ingong matinud-anon nga sumusunod sa iyang bag-ong Agalon, ang Ginoong Jesu-Kristo.



Gikan sa Maglulutos ngadto sa Magwawali
Estorya gikan sa Pulong sa Dios, ang Biblia,
makita sa

Mga Buhat 8-9

"Ang pag-abot sa Imong mga Pulong
nagahatag og kahayag." Salmo 119:130



Ang Kataposan



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

